

նա յուսադրեաց զնոսա լինել անկասկած , զի պատուէր ունիմ ասէր՝ 'ի Կոստանդինուպօլսոյ . գնացին եւ առ այլ մեծամեծս քաղաքին շահել զվիտս նոցա :

Այլ Յոյնք յառաջագոյն որսացեալ էին 'ի կողմն իւրեանց զկամս Դատաւորին 'ի ձեռն հանդերձապետի (Քիւրքճի Պաշի) նորին որ էր ազգաւ Յոյն . նոյնպէս զքաղաքապետն և զայլ երեւելի այլազգիս : Իսկ Արքունի պաշտօնեայք կատարեալ զգործս իւրեանց 'ի Դամասկոս՝ մեկնեցան անտի , եւ հասեալ յՆրուսաղէմ իջին արտաքոյ քաղաքին 'ի տեղի ինչ , և դրեցին առ քաղաքապետն պատրաստել տեղի իջեաւնի Սօճաքեանին և գարուծիւէր քեահեասի Մէհէմէտ Պէյին , որ կարգեալ էր ոստիկան 'ի կողմանէ Կուսակալին . զի Մուվէլլայ Վէտիմ և Մէյմար Գուլֆու եղեալ էին 'ի մտի իջեաւնիլ 'ի տուն Նախըպին . այլ քաղաքապետն պատուէր արձակեաց 'ի վանս Հայոց պատրաստել տեղի եկելոց եւ նոքա արարին պատասխանի , թէ սոքա կարգեալ են գործակալ 'ի Տէրութենէ 'ի վերայ երկուց ազգաց . մեզ միայն չէ անկ հոգալ զնոսա , մանաւանդ թէ նոքա ոչ առնուն յանձն իջեաւնիլ 'ի վանս քրիստոնէից . եւ Յոյնք իսպառ մերժեցին զնոսա , զի 'ի Կոստանդինուպօլսոյ ազգայինք նոցա ոչ ունէին առ այդ հաճութիւն : Գնացին ընդ առաջ նոցա Դիոնէսիոս վարդապետ եւ գանձապետ քաղաքապետին . և 'ի լինել բանից , սսեն . ոչ է պարտ պաշտօնէից Տէրութեան իջեաւնիլ 'ի վանս օտարաց , եթէ փոյթ իցէ քաղաքապետին պատրաստեսցէ մեզ տեղի . եւ ապա եկեալ բազմութեամբ մտին 'ի քաղաքն ('ի 10 Մայիսի) : Մուվէլլայն և ճարտարապետն պարագայիւք իւրեանց օթեցան 'ի տուն Նախըպին , որպէս ասացաք . Սօճաքեանն յայլ տեղի , և ոստիկան Կուսակալին առ քաղաքապետն . և 'ի վաղիւն 18 սպասաւորօք եւ գրաստօք եկեալ եմուտ 'ի վանս Հայոց , զի առաջին տեղին աւերակ էր , և նոցա սիրով ընկալեալ հոգային զպէտս նոցա : Սօճաքեանն ազդ արար քաղաքապետին հոգալ զպէտս իւր եւ իւրոցն ամենայն պարագայիւք 'ի վանաց Հայոց և Յունաց . զի 'ի վերայ նոցա ոստիկան կարգեալ եմք ասէ 'ի Տէրութենէ : Ի մերժելն Յունաց , ստիպէր քաղաքապետն զՀայս , որոց հարկ եղեւ նորոգել զիջեաւնս